

JKP Vodovod doo Cazin
Lojička bb, 77220 Cazin
Broj: 02-30- 5 - 08/22

Na osnovu člana 20a. Zakona o radu u Federaciji BiH (Službene novine FBiH br. 26/16 i 89/18), člana 7. Uredbe o postupku prijema u radni odnos (Službeni glasnik USKa, br. 7/19 i 11/19) i člana 4. Pravilnika o postupku prijema u radni odnos u JKP Vodovod doo Cazin (objavljenog na internet stranici Preduzeća) direktor JKP "Vodovod" d.o.o. raspisuje

**JAVNI KONKURS
za prijem u radni odnos u JKP "Vodovod" d.o.o. Cazin
na neodređeno vrijeme**

I

Raspisuje se javni konkurs za prijem radnika u radni odnos na neodređeno vrijeme na sljedeće radno mjesto:

1. Pomoćni radnik, 1 izvršilac

II

Opis poslova radne pozicije -specifični zadaci

Pomoćni radnik: vrši utovar i istovar materijala i sredstva za rad, pomaže vodoinstalaterima pri otklanjanju kvarova, otkopavanje i iskopavanje, obavlja i ostale fizičke poslove po nalogu neposrednog rukovodioca, rukuje lakim građevinskim strojevima (kompresorom i sl.), vodi brigu o čistoći i ispravnosti stroja kojim rukuje, svakodnevno održavanje higijene na objektima, kosi travu u krugu objekata crpnih stanica i rezervoara, odgovoran je za primjenu osobnih mjera zaštite na radu i obavlja i druge poslove po nalogu šefa odjeljenja, šefa službe i direktora.

Mjesto obavljanja rada: Područje općine Cazin

Vrijeme rada: 7:00 - 15:30 (izuzeci definisani Pravilnikom o radu Preduzeća)

III

Da bi zainteresovani kandidati mogli aplicirati na oglas potrebno je da ispunjavaju opće i posebne uslove.

Opći uslovi koje moraju ispunjavati svi kandidati su:

- a) da su državljani Bosne i Hercegovine;
- b) da su stariji od 18 godina;
- c) da posjeduje opću zdravstvenu sposobnost za obavljanje poslova predviđenog radnog mjesta.
(nakon završene procedure, a prije zaključivanja ugovora o radu, izabrani kandidat biće u obavezi da dostavi ljekarsko uvjerenje).

Posebni uslovi koje moraju ispunjavati kandidati su:

- 1) **Za radnu poziciju pomoćni radnik:** NK/PK stručna sprema i najmanje 6 mjeseci radnog iskustva na navedenim poslovima;

Dokumenti koje je potrebno dostaviti:

1. biografija sa adresom i kontakt telefon
2. uvjerenje o državljanstvu, ne starije od 6 (šest) mjeseca
3. potvrda o prebivalištu- obrazac PBA3 (CIPS prijava)
(dostavlja je izabrani kandidat radi prijave Poreskoj Upravi)
4. ovjerena kopija diplome o stečenoj školskoj i stručnoj spremi
5. potvrda/uvjerenje o radnom stažu ili radnom iskustvu.

Pored navedene dokumentacije kandidati mogu dostaviti potvrde, uvjerenja i sl. kojima dokazuju da imaju prednost pri zapošljavanju u skladu sa članom 18. Uredbe i člana 25. Pravilnika o postupku prijema u radni odnos u JKP Vodovod doo Cazin.

Dokumenti koji se prilažu uz prijavu moraju biti u originalu ili ovjerenoj kopiji. Preduzeće nije obavezno vraćati dokumentaciju dostavljenu uz prijavu, osim u slučaju priložene originalne diplome.

V

Ostale informacije o konkursu

Javni konkurs ostaje otvoren 14 dana od dana objave. Javni konkurs je objavljen na internet stranici Javne ustanove „Služba za zapošljavanje Unsko-sanskog kantona” Bihać i na internet stranici www.vodovodcazin.com. Rok za podnošenje prijave počinje teći narednog dana od dana objave.

Nepotpune i neblagovremene prijave neće se uzeti u razmatranje.

Kandidati koji ispunjavaju opće i posebne uvjete bit će pozvani na usmeni ispit i/ili pismeni ispit (u zavisnosti od stručne spreme radnika). O mjestu i vremenu održavanju usmenog ispita kandidati će biti blagovremeno obaviješteni.

Rang listu uspješnih kandidata Poslodavac će objaviti na oglasnoj tabli i web stranici Preduzeća.

Poslodavac će sve kandidate sa Rang liste obavijestiti o rezultatima izbora. Na obavijest poslodavca o prijemu u radni odnos, zainteresovani kandidat ima pravo prigovora Nadzornom odboru Preduzeća u roku od pet dana od dana prijema obavijesti.

Prijave sa svim traženim podacima treba dostaviti lično ili preporučenom poštom, na adresu:

JKP "Vodovod" d.o.o. Cazin, Lojička bb, 77220 Cazin
Komisija za provođenje javnog konkursa
sa naznakom -

"NE OTVARAJ- PRIJAVA NA JAVNI KONKURS"

Na poledini koverta je obavezno naznačiti ime i prezime podnosioca prijave i na koju poziciju se prijavljuje.

Cazin, 10.01.2022. godine

JKP Vodovod doo Cazin
Ibrahim Mujakić, direktor